



Universitätsbibliothek Paderborn

Instructio practica ...

De Conversatione Apostolica - A Curatoribus Animarum piè & fructuosè instituenda ; Complectens varios & solidos modos juvandi & consolandi diversorum Statuum Personas afflictas, præcipuè aegras & captivas ...

Lohner, Tobias

Dilingæ, 1680

Memb. I. Preces ab Operario priùs, quàm ab infirmo discedat, recitandæ.

[urn:nbn:de:hbz:466:1-49274](https://nbn-resolving.org/urn:nbn:de:hbz:466:1-49274)

& se ad ignem ramusculis juniperi excitatum purgare, faciem aceto aquâ mixtâ lavare, auram liberam captare; quâ re & sibi, & aliis consulat. Si necessitas non urgeat, expedit idem confessionale non repetere, donec populo dilapso sedes per ignem vel asperionem aut lotionem aquæ ex rutha purgetur. Quartadecima. Persona, quam constar esse infectam, moneatur, ut vel domum suam Confessarium vocet, vel eo tempore veniat, quo homines non sunt in templo, tunc enim extra confessionale eam audire posset in tanta distantia, quæ moraliter careret periculo. Quintadecima. Denique peste cessante, & se per divinam gratiam servato, gratias DEO debitas persolvat, eiq; humili animo omnia, quæ egit, accepta referat, sè que ad ulteriores casus præparet, offeratque.

§. XVII.

Varia preces apud ægros & moribundos dicendæ.

Cùm, ut supra monui, inter præcipua media, quibus ad solatium & auxilium Infirmorum & Moribundorum uti potest Operarius, meritò crebra & devota oratio censeatur, & ea maximè, quæ in Ritualibus ab Ecclesia præscribitur; talia autem Ritualia ad manus semper non haberi commodè queant, ideo rogatus ab aliquibus, ut eas libello huic insererem, ad calcem illius apponere commodissimum est visum.

M E M B R U M I.

Preces ab Operario, priusquam ab Infirmo discedat, recitandæ.

Quando discedere vult Operarius ab Infirmo unum ex Psalmis Quatuor prioribus Pœnitentialibus, vel Psalmum 90. Qui habitat &c. supra Infirmum dicere poterit, cique sequentes juxta Rituale Romanum subjungere.

Kyrie eleison. Christe eleison. Kyrie eleison, Pater noster, &c. *ψ.* Et ne nos inducas in tentationem. *℞.* Sed libera nos à malo. *ψ.* Salvum fac servum tuum. *℞.* Deus meus sperantem in te. *ψ.* Mitte ei Domine auxilium de Sancto. *℞.* Et de Sion tueri eum. *ψ.* Nihil proficiat inimicus in eo. *℞.* Et filius

V S

ini-

iniquitatis non apponat nocere ei. *ψ.* Esto tibi Domine turris fortitudinis. *℞.* Super lectum dolentium eius. *ψ.* Domine exaudi orationem meam. *℞.* Clamor meus ad te veniat. *ψ.* Dominus vobiscum. *℞.* Et cum spiritu tuo.

Oremus.

DEUS, cui proprium est misereri semper, & peccata condonare: suscipe deprecationem nostram: ut tuus famulum tuum, quos delictorum casus constringit, miseratio tuæ pietatis clementer solvat.

Deus infirmitatis humanæ singulare præsidium auxiliij tui super infirmum famulum tuum ostendit virtutem, ut ope misericordiæ tuæ adjutus, Ecclesiæ tuæ sanctæ incolumis representari mereatur.

Concede hunc famulum tuum, quæsumus Domine Deus, perpetua mentis & corporis sanitate gaudere; & gloriosa beatæ Mariæ semper virginis intercessione, à præsentis liberari tristitia, & æternæ perfrui lætitiæ. Per Christum Dominum nostrum. *℞.* Amen.

Benedictio Dei omnipotentis, Patris *†*, & Spiritus sancti, descendat super te, & maneat super te. *℞.* Amen.

M E M B R U M II.

Psalmi & Evangelia cum Precibus pro temporis opportunitate & ægrotantium pio desiderio Operarii que arbitrio dicenda.

Psalmus 6.

Domine ne in furore tuo arguas me, &c. in Gloria Patri. Sicut erat. *ut sup. fol. 84.* Dominus vobiscum. *℞.* Et cum spiritu tuo. *ψ.* Sequitur